

**Г. К. Сазонов, А. М. Конькова хӑншым**

**«И лун медлительных поток...» роман эвыт пӧтыр шуп**

Мет рӱвыӑ тӱӑ хӑттэт сӑмны, эптыӑ лыптыт-тӧрныт па мавыӑ вӱртыт пӧрайны Апрасинья пӧхыӑа йис, щи артын, атпа, нӧви турым итпины айтат Картин киньщи уйаӑ хуйат па ӑнтом ус. Сӱс хӧтты хӑщыс, тӑт вотасыт мӑным йӱпины, кимит пӧхны сӑма питыс, щӑтта па хутмитны, нятмитны. Па щиты няты ветпыстыты ху Картин рут хӧщи этыс. Эвет па сӑма питыйтсыт, Миронэн амтытгис, кӱш кепа тыв юканета община эвыт ӕханын муй унтын пайны ӑн мийтисы. Мирон эвитата амтытгис, тыв аӑкет маӑын тӑйсыт, кӱш па иса хун аӑкет хӧрас тӑйсыт: венш хӧрасыт, тӧрып хӧр, шушыпсет, тӱр сыйыт.

Эвитат – ай ӕханыет – хӑттны похным вӱтыӑ аса тӑрматысыт, щи кӱтны тыв Апрасинья аӑкет от хӱват сӑмны вантман, пӑсытны, йум йӱхны, хӑшны энмым вӱтыӑ па шитам уры хӧрасыпа йис. Кашыӑ тӑйты утыет мет тутыӑ тӱвета ус. Тӱв ӑтмунтыки нӧх щорхатытыс, нӧрых ай пӧшхийет сӑма питтыны.

Ин нӑмхоятны па ӑнт эвытта, муй хӧрасып Апрасиньяйен ус ветхӧщьяӑ тӑт тӧмпи, кашыӑ от туват тӱв па тармашыка, хӑрщияшыка йис. Мӧрт щос тӱв унтыта йӑӑхийтта питыс, па туп Евра хоныӑны, – щит ветпыс па ӑнто, ӑт йӧнт, тӱв туп эвитат-пӧхтат кашыӑ сухым артатысте. Апрасинья икет вет апщи эвыт ветпыстыты ӕх энмыттыс. Тӱв тапыт пӧхийет Кӱрыӑ вой нӑмыш хус – тапыт пӧшхие иты энмыттыт-ворымтыт, па хутым эвет ищи.